

# AWE TA CELEBRA 50 AÑA DI LIBERACION DI CAMPONAN DI CONCENTRACION

ORANJESTAD(AAN) -- Por skirbi Miljard di bukinan y e tema nunca lo caba. Pero si nos tin cu contesta e pregunta "Pakico holocausto?", nos mester conclui cu tabata e "antisemitismo" y e odio pa cu e extranheronan uni na e factor material cu a provoca Adolf Hitler e deseo di exterminar e poblacion Hudio for di Europa.

Hitler tabata insisti den liquida e Hudionan y casi el a logra esaki. El a elimina 1/3 parti di e poblacion Hudio, cu tabata representa precisamente e fuente principal di e cultura Hudio mundial.

Cu su mania di grandesa, e vil monster di siglo 20, a trata di convence su compatriotanan di e supremacia di Alemanca ariba tur hende y mundo henter.

Hitler tabata mira den e historia di e pueblo Hudio, e actualidad, e audacia y e aporte di e civilisacion Occidental. Algo cu e Nazinan no por a iguala.

E mania di superioridad a hiba Hitler na un alternativa desespera: E solucion final, para kita tur e propiedadnan di e Hudionan y asina financia su

hazaña frustra di conquista mundo. E di dos causa principal di e masacre tabata e parti material y e Nazinan a drama asina hopi sanger inocente cu tabata suficiente pa nan hoga den djé.

Sin embargo, e sentencia firma como e solucion final, tabata su propio sentencia: E fin di e tercer "Reich".

Un malandro a apunta su arma contra su victima y despues e ta menace bisando e cartera of bo bida. Hitler tabata haci lo contrario. Promer e tabata mata, despues e tabata busca e placa y pa finalisa e tabata kita e rastronan di e crimen sin ofrece e minimo oportunidad na e victima.

Asina el a prepara e crimen cu un engañoso campaña di hustificacion patriótico.

Pa un campaña di e dimension aki, uno mester di placa y e placa segun Hitler e Hudionan tabata posee esaki. Pesey door di exterminar un masa di Miyones di persona, tabata significa un grandioso fuente di recurso economico y e Hudionan tabata e victima propisatorio.

Segun informenan di "Reichsbank" pa 1939 e reservanan di oro tabata completamente bashi. Ora e avanse Aleman a cuminsa e paisnan Europeo desde Checoslovaquia te na Luxemburg a manda tur nan oro pa Merca. 350 Tonelada di oro cu a worde bendi door di Nazinan cu Suiza a worde warda den cahanan y transporta pa e ciudad di Berna den treinnan Frances di e gobierno di Vichy. Pa e oro aki e Nazinan a cobra



Aki por mira un foto di file di Adolf Hitler y Eva Braun, kendenan a casa den un bunker na 1945 y segun informenan lo a comete suicidio hunto. (foto satelite AFP)

1700 Miyon di Dollars. Un cifra berdaderamente astronomico pa e epoca ey.

E banqueronan Suizo tabata sa di unda e oro tabata bin pesey di antemano Canada y Austria a rechaza e TENTADOR oferta Aleman.

E oro cu a worde bendi door di Alemania na Suiza tabata equivalente na e 1/3 parti di e metal produci durante e añanan di guerra. E 2 Mil Miyon di Franco Suizo paga, a constitui e 90 % di e divisas utiliza durante e intento di Hitler di conquista mundo.

E victimanan di e camponan di concentracion Nazi, a proporcionan Alemania hopi cosnan di balor manera nan industria, comercio, obranan di arte, joyas, paña, zapato, placa. Pero loke tabata mas horendo y monstroso tabata e forma con Nazinan tabata busca cosnan den e cadavernan di e Hudionan.

Nan tabata saca nan tripa pa averigua si e Hudionan no tabata guli nan joyas. Nan tabata corta nan cabeynan, kita e cuero di cabez y cu e cuero nan tabata fabrica handschoen y lampencap. Tambe nan tabata usa e vet humano di e Hudionan pa traha habon cu nan a comercialisa cu e marca "Rif" (Pura Sanger Hudio).

Pakico e storia tristo aki? Pasobra awe despues di 50 aña, e mundo no ta mas feliz. Hitler no ta na bida, pero e antisemitismo y e odio xemofobico ta biba keto bay. Esakinan ta plaganan bibo y

activo den mundo henter. Mester combati esaki constantemente sino e ta sembra morto y destruccion.

Despues di 50 aña, e atentadonan terrorista ta sigui tuma lugar rond mundo y mayoria di nan ta di estricto estilo Neo-Nazi, cu ta basa ariba e odio ariba e personanan supuestamente inferior.

E comunidad mundial a cuminsa preocupa su mes pa cu e

desaroyo Neo-Nazi aki. Palabranan manera Auslanders Raus, (afo extranheronan), Jude Raus (afo Hudionan), Deutschland Über Alles In Der Welt (Alemania ariba mundo henter), no mester ser scucha nunca mas.

Neo-Nazismo ta un cancer cu mester ser elimina na su raisnan. E relatonan di Adam y Eva, di Noe y Diluvio Universal, di Torre di Babel, di Sodoma y Gomora, mester sirbi di adverten-

cia.

Mi kier conmemora e di 50 aniversario di liberacion di e camponan di concentracion Nazi, recordando nombenan manera Auschwitz, Mauthausen, Dachau, Sachsenhausen, Belzek, Treblinka, Wolzek y en general tur e LAGER unda Miyones di persona a perde nan bida, pa e nombenan aki ser recorda eternamente.

Nos mester converti e desconfianza den confianza, e inseguridad den seguridad, e infelicidad den felicidad y sobre todo e odio den amistad.

Tur esaki tin un nomber: PRASIM (Premia pa Dios). E siguiente plegaria lo acompaña tur esnan di bon voluntad:


SHMOR ADONAI AL TZUA HAGANA LE SHALOM ULE JEIRUT BAARETZ UBA LEARETZ, VENOMAR AMEN. (Protege oh Señor tanto a los ejercitos de la paz y de la libertad del pais como del mundo, amen).

Gerardo Samson.

E historia aki no por ripiti. E mundo civilisa y hendenan di bon mester tuma accion di inme-

diato pasobra si sigui fortalece e movimiento aki, lo yega e momento caminda uno ta puntra su mes, con por ta posible cu atrobe e ta socede sin cu nos a haci algo pa evita esaki?

Tin hopi Hitler ta cana rond na mundo. E paz actual ta ser manteni debi na e medio na e armanan nuclear y no pa e amor pa e ser humano. Pasobra e odio y desconfianza te ainda ta reina entre e pueblonan. Ta parce cu e ser humano no a siña di su histo-



Riba e portret aki por mira Prins Charles y su esposa di kende e ta separa Princes Diana, y nan yiu Prins William, conversando durante celebracion ayera na Hyde Park na London marcando 50 aniversario di fin di e di dos guerra mundial na Europa. (foto satelite AFP)